

2018 No. 582 : Pro Pastor Lalramkiemlo Pherzawl chun, harsatna chi hran hran um sienkhawm, Pathienin a rawng bâwl dinga a phûtna sunzawm thei peia a ຖuoina khêlah, a enkawl dinga a pêk. Fredereck Malsawmlien a kumkhatna Birthday hmang theia hrisêlna a pêk leiin Krista Hmangaina Rs.100/- a pêk.

2018 No. 583 : Rev. Chawngrosiem le Esther Lalmalsawm hai nupa chun, Lalpa laka an rochanMesak Malsawmdawng Joute, Pathien ຖuoina zâra kum 10 chen tlung theia aum na le, an sângkuo khawm hrisêlna le damna thatak dawngin kum chanve tlung theia Pathienin a ຖuoina leia lâwmthu hrilna in Krista Hmangaina Rs.300/- an pêk.

2018 No. 584 : Mr. & Mrs. Richard Lalsawrlien Valpakot haiin an naunu Elizabeth Lalremsiem Pathienin hrisêlna pea kum thumna Birth Day tlung theia Pathien ຖuoina leiin lâwmthu hrilna in Krista Hmangaina Rs.200/- an pêk.

2018 No. 585 : Mrs. Lalliensung of Bethel Phairam Presbytery chun Pathien malsawmna Vawkte 7(pasari) an dawng leiin lâwmthu hrilna in Krista Hmangaina Rs.100/- a pêk.

2018 No. 586 : Mr Sakuolien of Sartuinek chun, hun sâwtak bawrsâwmna leia sin khawm thaw thei ta lova a um hnungin Pathien zârin tuhin sinhai a hung thaw nâwk ta leiin lâwmthu hrilna in Krista Hmangaina Rs.100/- a pêk.

2018 No. 587 : Patpuihmun Local chun RPC Founding Day inhawi taka an hmang thei leiin Kristas Hmangaina Rs.170/- an pêk.

2018 No. 588 : Kh. Zeikhan Local chun RPC Founding Day tluong taka an hmang thei leiin Krista Hmangaina Rs.150/- an pêk.

2018 No. 589 : Ngampabung Local RPC chun RPC Founding Day ursûn taka an hmang thei leiin Krista Hmangaina Rs.180/- an pêk.

2018 No. 590 : Kangrengdawr RPC Local chun kumtin a ei inser hlak Founding Day Pathien zârin an hmang nawk thei leiin Krista Hmangaina Rs.255/- an pêk.

From the Editor's Desk

“Sukrinumna leiin Kristien nun a châu thei nawh”



Isu 'n “khawvél la hin rinum tuor in tih, thlamuong takin um ro, keiin khawvél ka ngam tah” Johan 16:33 a a lo ti angin, khawvél la hin tuorna pumpel ding tukhawm an um nawh. Ringtu ni leiin tuor ei ta, hrisélnaw leiin tuor bawk ei ta, mani insûmthei nawna lei khawmin taksain tuor bawk a tih. A kâr châng chu lungril rûka tuorna tamtak ei nei châng um ngei bawk a tih. Hi tuorna hin sekân a nei ngai nawh. Amiriokchuh, eini ringtuhai hamthatna chu, “Ka tuor hi Lalpa 'n a phal, nuor thei ka ni nawh” ei ti theina hi a nih. Ei tuorna hin rinumna ei tuoka, sukrinuma ei um châng khawm a tam ngei luo ie, amiriokchuh, hieng thil hai hin ei hringnun a sukchâu thei ta naw a, ra insuona a ni lem a nih.

Ei chêngna khawvél hi sakuona innawr intuona le intum tuona hi a zuol hlein an lang tah. A bîkin India rama hin a tam zuol a, tulai tak lem chu sakuona thila inbeituona tamna tak a ni awm ie ! Kha hmaa in suknawmnat dân hai nékin tulaia thawdân hi a changkâng ta lema. Riruongna tha tak le thawdân kahmg thiem takin Kristienna hi dovin a um mék a nih. Dân hmanga innuoibo tumna hin thiem takin ram a lâk mék a, chuonglai chun hmasâwnna ei beisei hin ei hringna thurûk hi sukchâu pal inlâu um tak a nih.

Khawvél chanchin hmasa haia ei hriet angin: Khawvél hmasawnna a hrât po leh Sakuona innéktuona a zuol hlak. Hmasawnna hi ei pei theilo ei ຖûl chu a ni bawk si. Sawrkâr roréltu khawm ei pei theilo ei ຖûl zinghai an nih. Amiriokchu hi hmasâwnna hi ei hringnun a sukchâu chu inlâu um tak a ni nawk si. Hmasâwnna dit luot leia ei hringna le inmil lova ei um inlau um tak a nih. Hi chu chu Israel hnam siet rawp na a nih.

Tulai hnaia khawvél chanchin mi thawng em em tu chu, China rama Biekin ropui tak suksiet a um thu hi a nih. A rûk le langchang taka sakuona a inbeituona hi nitina India rama Kristienhai ngaiven a ni zing bawk. Hiengang huna hin tharuma dolétna nékin, tuorselna le hmangaina a ei dolétna lem a tûl. India thar siem tum haiin ei hringna thurûk hi suksiet tumin min thina ding hmangruo tamtak nei hai sienkhawm thei chuong naw nihai. Eini chu Vánthar le Hnuoithar ah ei la chéng ding a ni si a. Chuleiin Kristien ni leia tawite tuor hi nakie huna ei ropuina ding le hrilkhi ruollo a ni leiin, sukrinumna leiin Kristien hringnun hi a chau el ding a ni nawh ti hrein, Isu hrâtnaa innghat tlat lem ding ei nih. Amen....



Kohran chanchin:-

- # Phairam Presbytery Kristien Thalai pawl chun tarik ni 7-9 June 2018 sùng khan Saikawt Playground ah Games and Sports puithu taka hmang a ni a, unit 12 a inthawk fekhawmin inelna chi hran hran hai hmangin insukhlim a nih. Report phêk hranah tiem theiin a um.
- # June 5-13 sùng khan Headquarter a inthawkin Rev Dr. Huolthanglur, EAL,Mrs Evan, WCO,Rev Jacob L.Hmar, YCO, Mr Jehovah L.Hrangate, MCO le Mr Lalhawnglien, Driver hai chun Joint tour neii Karbi Anglong Mission Field le Haflong Presbytery kanna neii Khuo iemani zât an kan Seminar hai dam an neipui.
- # All Manipur state level competition, Meetei Mayek Dt.6/5/18 ami a chun Ei School CMA Thanga chun hieng ang Rank hai a hin lawmman a dawng. Rank: (1) Bidyachandra Singh Cl-IX 1st Position (2) Roshica Devi Cl-IX 2nd Position (3) Anjali Devi Cl-IX, 8 Rank (4) Pushpa Devi Cl-IX 11 Rank (5) Donida Devi Cl-X 12 Rank (6) Obay Singh Cl-IX 14 Rank.

2018 No. 570 : Damdiei RPC Krista Hmangaina thâwlawm Rs.130

2018 No. 571 : Lungthulien Kawnpu RPC Krista Hmangaina thâwlawm Rs.173/-

2018 No. 572 : Sipuikawn RPC Krista Hmangaina thâwlâwm Rs.120

2018 No. 573 : Sakawrdai RPC Krista Hmangaina thâwlâwm Rs.105

2018 No. 574 : Pherzawl RPC Krista Hmangaina thâwlâwm Rs.100

2018 No. 575 : Parvachawm RPC Krista Hmangaina thâwlâwm Rs.100/-

2018 No. 576 : Vaitin RPC Krista Hmangaina thâwlâwm Rs.210/-

2018 No. 577 : Parbung RPC Krista Hmangaina thâwlâwm Rs.835

2018 No. 578 : Senvawn RPC Krista Hmangaina thâwlâwm Rs.313

2018 No. 579 : Pastor Lalnithang hai nupa Dipu, Karbi Anglong Assam hai chun, an naute Master David Lalropui a pieng tîra lungtieng problem nei chuh, an theinakhêla Pathienin hmangaitu ding le lampui hai ruot pêkin tari ni 2 April, 2018 khan Hrudayalaya Hospital Bangalore hmunah Pathien kut ropuitak sinthaw inlangin hlawting taka Major Operation thaw zo a nina khêlah wavisûn chen hin Pathienin sukhrâtin a thuoi pei leiin lâwmthu hrilna in Krista Hmangaina Rs.300/- an pêk.

2018 No. 580 : H.Buona of Tuolbung chun, a nuhmei Lalhangpui thina chunga sum-le-pai, tha-le-zung le tawngtaina a santu le a ruong Churachandpur a inthawka Tuolbung phur tlunga ding Pathienin a ngaituotu ding a ruot pêk leiin Pathien kuomah lawmthu hrilna in Rs.500/- a pêk.

2018 No. 581 : Mr. Immanuel Ramthienghlim le Debora Lalhmingmawi hai nupa Rawvakawt chun, tarik 13 June 2018 a rîl-a-ra nau malsawmna nuhmeite le pasalte Pathienin a pêk bâkah, taksa le thlarau malsâwmna Pathienin a pêk hai leia lâwmthu hrilna in Rs.100/- an pêk.

2018 No. 560 : Pi Ngurnunsiem of Muolvaiphei chun a nauhai pahni Lalsiemrem le Dorothy Lalhnemzo hai Pâwl XII le Pâwl X pass theia an um leiin Pathien kuomah lâwmthu hrilna in Krista Hmangaina Rs.200/- a pêk.

2018 No. 561 : Pu Robinson Songate hai nupa chun, an naupa David Lalthuisang Class-X 2nd Divisiona a passed an lâwm êm leiin Krista Hmangaina Rs.100/- an pêk.

2018 No. 562 : Upa Lawmthang Moreh in, a tunu Miss Lydia Lalhmingmawi Class-X 1st Division-a a pass lâwmna in Krista Hmangaina Rs.100/- a pêk.

2018 No. 563 : Pastor Lienhnuilo Moreh in, a naupa Mr Darchunglien Khawbung Class-X 2nd Division-a a pass lâwmna in Krista Hmangaina Rs.200/- a pêk.

2018 No. 564 : Pu Lalbiekluoi of Rengkai in, a naupa Singlenthang Cl-X 2nd Div. a a passed Pathien kuoma lâwmthu hrilna in Krista Hmangaina Rs.500/- a pêk.

2018 No. 565 : Pi Khuongneithing of Rengkai chun Pathien malsâwmna zâra Vawkte malsâwmna an dawng lâwmthu hrilna in Krista Hmangaina Rs.100/- a pêk.

2018 No. 566 : Pu John Darhminglien of Rengkai chun, vawisûn chena Lalpa'n an fâk zawngna mal a sâwm pei na leiin lâwmthu hrilna in Krista Hmangaina Rs.100/- a pêk.

2018 No. 567 : Thingchom RPC Mission Committee in Thingchom khuoah thingpui Hotel an siem chu, Pathien thuoina zâr chau a tuchena tluong tak a la fe thei pei leiin Pathien kuomah lâwmthu hrilna in Krista Hmangaina Rs.500/- an pêk.

2018 No. 568 : Mr. & Mrs. Lalpiengthar of Patpuihmun hai chun an tupa Mr. Lalropui of Saidan Cl-XII 2nd Div. a hlawtlingna a chang an lâwm êm leiin Krista Hmangaina Rs.100/- an pêk.

2018 No. 569 : Mr Ramhlunsang of Tuolbung chun Kum 2018 April thla hmang zo theia a thuoina leia lâwmthu hrilna in Krista Hmangaina Rs.100/- a pêk.

Tukum 2018 pawl sawm result suoka ei schoolhai percent tha tak tak ei hmu leiin lawm a um takzet. Report dungzuiin school tin a mi hei tarlang ei tih.

1. CMA Thanga : Exam po : -66,

Ist Div. : -51 ; 2nd Div. : -15 ; Percent : **100%**

2. CHS Kashipur Haflong : Exam po : - 67

1st Div. : - 18 ; 2nd Div. : - 37

3rd Div : - 3 ; Percent : **-86.56%**

3. Stephen High School Saikot : Exam po : 27

1st Div. : 5 ; 2nd Div. : 20

Percent **92.59%**

4. CES Imphal : Exam po : 39; Pass po -30

1st Div. - 15; 2nd Div - 14;

3rd Div. - 1; Percent : **76.92%**

Letter marks: MIL. - 15; English - 9; Maths - 1

5. CES Hmarkhawlien : Exam po : 96; Pass po -78

1st Div. - 17; 2nd Div. - 58

3rd Div. - 3; Percentage : **81.25%**

Letter Marks:- Hmar MIL-10; English -6; Maths -3
G.Science - 2; Social Science - 1

CES Topper : Raynold Ramhmangai Huolngo

Ama hin MIL (Hmar), English, Maths, G.Science le Social Science a hai Letter Marks hmuin Full Mark 600 a 491 a hmu.

6. CES Diphu : Exam po : 53; Pass po : 35

1st Div. - 15; 2nd Div. -19; 3rd Div. - 1

Pass Percentage : **66.03**

Mr James Khawzawl of Rengkai Bible Hill hai sângkuo chun Missionary chawmna dingin thlatin Rs.4000/- (Sangli) June thla a inthawk an pêk ding thu lo hriet a ni a, lawm a um takzet. Lalpan a lêt tamin mal sawm pei dingin ditsakna ei inhlân.

- # Three (3) Dimension Movement le inzawmin tarik 17-19 June, 2018 sâng Edinburgh, UK a Community of Practise hun a thang le South Netherlands Kohran hai lai rawngbawl dingin Executive Committee ruot angin Rev Lalngailien Puruolte PS, Phairam khawm an zin suok mèk.
- # Hieng a hnuoia hai hi session thar a **PTS a Bible inchuk dinga** thlang annih –
 1. Mr Jehos Lalmuonpui, Bethel Haflong Presbytery,
(Thiemna Class XII)
 2. Mr Arjun Hanse, Diphu Karbi Anglong Mission Field
(Thiemna BA final year)
 3. Mr Ginmalsawm, Thingchom Phairam Presbytery
(Thiemna BA final year)
 4. Mr Lalramtlungding, M Ramthar Phairam Presbytery
(Thiemna BTh, BA)
 5. Mr Lalrohnun, Muolvaiiphei Phairam Presbytery
(Thiemna BTh)
- # Tarik 17-20, 2018 May 2018 sâng khan GS Rev Dr V Lalngakthang, Rev Dr Huolthanglur EAL, Rev Jacob L Hmar YCO hai NEICC 77 Session Nongstoin, Meghalaya ah an zu thang a. NEICC inkhawmpui lai chu palai fekhawm that tum tak a hriet a nih. Palai rorêltu khawm mi 242 lai fekhawm a na, India hmarsak Kohran pawl tum tum hlasal pawl hai anthawk hla mawi tak tak ngaithlâk a nih. Inthlang kum a ni angin ei GS khawm inkhawmpui hun sâng hin Nomination Committeeah mawphurna pawimaw tak pêk a nih. Chun, Executive Committee member dingin Rev Dr V Lalngakthang a thang a. Theological Education Committee memberlai Rev. Dr. Huolthanglur thlang a ni bawk. NEICC a hin tuhin Executive Committeeah Rev. Dr. V. Lalngakthang member niin, Theological Education Committee ah Rev. Dr Huolthanglur member thar dinga thlang a ni bawk



- 2018 No. 554 :** Tv. Lalzarsang Khawbung of Parbung chun, ânchûkna a Krista zâra hamthatna “Best Student Award” a dawng Rs. 3000/-, petu Krista Hmangai lêt ve na in an hlân sawng.
- 2018 No. 555 :** Mr. & Mrs. Ex. Hon. Major James Khawzawl of Rengkai Bible Hill chun, Pathien thuoina le thangpuina zâra In thar (Pucca Building) bâwl zo theia an um chu lâwmum le ropui an ti êm êm a, chu bâka Lalpa zâr chauvin, a malsâwmna Motor Car Terrano-XL thar hlawk inchaw theia an um hi an lawm êm êm leiin lâwmthu hrilna in Krista Hmangaina Rs. 2000/- an pêk.
- 2018 No. 556 :** Parbung RPC Pavânglai- Pu Thangsunlien-Chairman, Pu Ngurtumsang-Secretary, Pu Lalrohlim-Finance Secretary, Pu Lalringsan-Tresurer le Committee Membershai inrawina in January ni 15, 2018 a inthawka Thingpui Hotel Siema um chu Pathien thuoina zârin tuchen hin sunzawm theia an um leiin Pathien kuomah lâwmthu hrilna in Krista Hmangaina Rs. 100/- an pêk.
- 2018 No. 557 :** Tinsuong Kohranin RPC Founding Day hmang nia Krista Hmangaina Thawlâwm Rs. 250/- an pêk.
- 2018 No. 558 :** Mr. & Mrs. Lalkosuok of Kanaan Church RPC Rengkai Muolhlum hai chun, vawisûn chena thuouit Pathien kuomah lâwmthu hrilna le nau-le-te rochan pasal 2 le nuhmei 2 Lalpan a pêk hai lai a chîn tak khawm Cl-X Passed theia a um tâk na thuah Patnhien kuomah lâwmthu hrilna in Rs. 100/- an pêk.
- 2018 No. 559 :** Pi Lalngenkim C/Home Local chun nikum 2017 hun iemani chen a inthawk, taksa bawrsâwmna neia umin, Pathien zâra dam tieng hma sâwn peiin a hringna Lalpa'n a hla leiin a lâwm êm êm a, chubâkah a naupa Gospel Lalramsan in Competitive examah hlawtingna changa sawrkâr sin chel thei dinga Lalpa malsâwmna an dawng lein Pathien kuomah lâwmthu hrilna in Krista Hmangaina Rs. 300/- a pêk.

pawi ka ti tak zet a nih. Zing ni 12 in Diphu tieng kîr nawkin zâñkhat kan va riek lût nawk a. Nilaini tarik 13 in Diphu a inthawk Dimapur Road tieng churachandpur damtakin kan hung chuongkai nawk thei a. Pathien mi thuoina mak kan ti chu Jiribam road tieng hung denga kan program hmasa chu a remchang ta naw lein ka thleng ta that a, kan hung tlunghnung chun Jiribam Road chu a thlahnuoi lein infepaw theilovin ni tamtak a um ta thu kan hriet hin Pathien milo thuoina niin kan hrieta Pathien remruot dân hi chu a an dikin a fel vêl vawng a nih.

Kohran mipui hai ṭawngṭaina a mi lo hretuhai po po chungah kan lawm a, Lalpa'n malsawm seng raw sen cheu.



KRISTA HMANGAINA

2018 No. 550 : Pu Lalsiemthar & Family of Thingchawm chun, bu-le-bâl malsâwmna hai le Auto Rickshaw nei theia an um leia Pathien kuoma lâwmthu hrilna in Krista Hmangaina Rs. 500/- an pêk.

2018 No. 551 : Pu Moody Lalropui le Pi Thafamkim hai nupa Muolvaiphei chun, Lalpa laka an rochan pali laia a naupang tak Thangrosang Khawbung kum 2 a tlingna a piengchampha June 6,2018 dam taka tlung thei le hlim taka hmang theia siemtu le hrisêlna petu Pathien kuoma lâwmthu hrilna in Krista Hmangaina Rs, 500/- an pêk.

2018 No. 552 : Pi Lalthieng Saikot chun, a tupa Andrew Lalsiemlien in class X 1st Division-a a pass lein Pathien kuomah lâwmthu hrilna in Krista Hmangaina Rs.200/- a pêk.

2018 No. 553 : Rev. Ros Infimate hai sûngkuo chun Pathien thuoina le ṭhangpuina an dawng hai lein lawmthu hrilna in Krista Hmangaina Rs. 1000/- an pêk.

PATHIEN THU A RAWNGBAWL DINGA INDINTHAR

*Evan. Thangminlun Lungtau
Shantipur, Karbi Anglong
Mission Field Assam*

Indinthar thupui a hmang hi a ṭha em em a, tu hringnun khawm a themsa thei bawk a nih. Mi tuel ta ding khawma thlarau le taksa ram a enfie a, hun hungtlung peina dinga ei vision le goal hai sukpuiting theina dinga hmunhnawk hai peithlâka indinthar nawk a pawimaw em em.

Indinthar ti hin thil a um tasa, annawleh, nei tasa siemthat/ siemtharnawk a kâwk lien khawp el a, chu chu Pathien thiltum khawm a ni bawk a nih. Pathien sandamna thiltum chun a la um lo siemdawk a tum naw a, Pathien nau ei nina kha suol lein suksietin um inla khawm, Pathienin chu chu suksiet a ei umna kha a thara indinthar nawkna dinga Isu Krista thisen ngeia ei inlaichînna sukthar a tum a nih. Hi hringnun ram hi a châu in, a ṭawl thei a, an nge in a vuoi thei bawk, a ngharék thei bawk a, chuonhai lei chun ei thaw ding le phursuok dinghai ra suok pui thei lovin suk zengin ei um hlak. Chulei chun mawitaka pâra tamtaka ei rasuok theina dingin hi hringnun lo sukzengtuhai hi a thara indintharpui a ngai hlak a nih.

Hmathlîr nei loa indinthar hin umzie a nei naw a, Hmathlîr sukpuitingna dinga indinthar a ni ruok chun lukhâwng lientak el a nei. Ei sietnahai ei hmu a, Lalpa ropuina ram khawm sukhmêlhem a ni ta a, Kul kawtkhâr khawm suolleiin meiin a kângral mât a, tho ei ta hrilsiet eini ta naw na dingin indinthar ei tiu.

Hringnun a hin indinthar dingin ei ni ahin tirtu le mawrtu um a ngai a, ei hmathlîr le thiltum lientak fietakin min hrietir thei a tih. Hmangai dinga thupêk hi ei hringsan tak chu a nih. (Matt 22:37-40) Dân popo khaikhawmtu chu hmangaina hi a nih. Pathien hi ei hmangaitak a ni

a pawimaw a, Pathien ei hmangai chun a kakhâwk chu vêngai hmangaina hi a nih. Lalpa thupêk ropui hmangaina hin ramri hrim a nei nawh. Chulei chun Krista ngei khawm kha a hmangaina thisen in ân luongtir a ni kha. Thisen hin hringna an entira, hi hringna ngei hi ei damna dingin ân hlân a nih. Chu thisen ngei chu mi tamtak damna'n an chang theina dingin a hung luongsuok a nih. Vawisûn hin nangkhawm hi hmangaina pe sâwng dingin ko i nih a, iengtin am dawn i ta?..

Isu Krista in rawngbâwl dinga ringtuhai a mi namnghetna (Matt 23:16-20). Fietaka inziek hi ringtuhai in ei hmathlîr le thiltum dingtak chu a nih. Ei invaipui, ei dampui, ei lâmpui le thipui ding chu khawvîl po po chanchintha phursuokna hi a nih. Ringtuhai indinhar ding chun ei nin ei phuokfâwm el ni lovin Krista'n ândin tasa suolna leia eini a ra tha insuo theilo hai hi indinhar dinghai chu an nih.

Krista'n thlâng a I ruot hmun a chun mi tamtak el an fe a, Krista an hmuin thenkhat in Pathien a nih an ringa, chibai an bûk a, thenkhat chun an ringhlel.



Chuongchun, Isun thuneina po po pêk a ni thu a puong ta a, a thupêk ropui chu a pêksawng ta a nih. Khawvîl po po a fe a Pathien ram a hungtlung thu hril ding le mihai Krista kebul a hung thuoi lût ding le Pa, Naupa le thlarau thienghlim hminga namngheta Lalpa Isu a inthawk a, ei thudawnghai zâwm dinga inchûktir dingin ko ei nih. Hi thupêk ropui phursuok dinghin ei hrâtna um naw sienkhawm Krista thilthaw theina chu kumkuo a ei kuoma um dingin ân tiem a nih.

Hi rawngbâwl na sin hi Krista in a tana, Krista bawkin a zo ding a nih. Hi rawngbâwl naa Pathien ropuina ei hmu theina ding chun "Aw Pa, keima thu ni lovin nang a thu nilem raw seh ei ti ngam a ngai a nih" ... Matt 26:36-46. Khawvêla hin chân ding tamtak ei nei leiin Lalpa hmaah maichââm ei siem ngam ngai naw a, chulei chun Lalpa ropuina'n a mi tinsan hlak a nih. Mi huosen naw chun Lalpa ropuina le mawina an hmu thei ngai nawh. Isu Krista anga Pathien thiltum le Vision phursuok dinga hringnun inhlântu ni ngei thei dingin Lalpa'n a Kohran hai malsâwm raw seh. Amen.

haiin Pathien thuhrilna an nei a. Nuhmei Standing le Muolhoi Nuhmei Pawl hmingin Bufâkpuina a hran ve ve in an mi neipui bawk. Inpâkna hla solo leh kan hlimtlângin kan hlawkpui tlâng ngei ka beisei. Inrinni sûn le Pathienni chawhnung tieng hi ei songstar pathum umna khuo Muolhoi a ni leiin MCO inrawinain Video shooting hai nei a nih. Khuol zin mi inhawi ve na tak chu ieng ei ni naw lai zing khawma Bu fâk inko dawn seng lo um hi a nih. Chu chu, Muolhoi Khuo a hin kan tuok a, kan fe vel nawk a ding khawm booking thawsa khawm kan um niin kan hriet. Kohranhai kan lâwm tak zet cheu a nih.

Kohran ngîrhmun tlângpui: Inkhawm percent chu a tha tawk hle in ka hriet. Kohran Upa an nei thain an inpêk zo em em bawk a. Zîng tawngtai tûktin an nei thei bawk a. Biekin BAWL hmadawm lientak neiin hma an sâwn pei a, chulai zing chun retaining wall a lakh têl sêng tûl dingin a lo chim nâwk a, tuhin chu zo fel vang an tah. Hi retaining wall bâwltha ding hin nuhmei pahni thalai nunghak Pathienin a hmang a. Nehemiah Kul bang chim ta hnung hai tung ding nawk dinga hma alak ang khan chona mipui pe a sum le pai thawlawm hmasatu chu THALAI (KTP) member mimal an nih. Kohran member khawm kiem tieng nêk chun belsa tu an pung ve pei a nih. Haflong Presbytery Office building hran la nei lo ei ni leiin nei vat nuom a um hle.

Tarik 11 (Thawtanni) in BETHEL khuo kan chuongkai nawk a. Fe an khât bawk nîng a ta, lampui khawm Bethel khuo chen black topping an lo thaw vawng tah. Hi khua a hin ei Kohran school khawm a um bawk a Hostel hai khawm thataka function in a um a, mihai hriet a hlaw hle bawk. Kohran Upa Lienlalmawi in mi lo lâwmlûtin kan tlungna ding inhai an mi kawk hmu a. Zân inkhawm Biekinah hmang in EAL in Pathien thu hril rawngbawlna a nei a. Inkâwm khawm ring nêkin kan tha. Sin thaw mi an ni leiin, taksa sawltaka fâkzawng an nih. Inkhawm tin in hmun hni a inthein Biekinah Nuhmei pawl le Thalaihai WCO, YCO le MCO haiin Pathien thu le rawngbawl dân hai inhrilhriet na hun hmangpuiin fellowship inhawitak hmang a nih. WCO in nuhmei pawlhai infuihuina le report tawite a pêk a chun, thalai rawngbawl dân khawm hrilhrietna nei a ni bawk. Local sûnga hlasak thei iem mani zât an lo um a, solo khawm hla pali lai ngaithlâk a nih. Local thuouit pa hai chu Local Chairman Inah hohlimtlângna nein Kohran thubaiah inpâwltlângna hun an hmang. Ruo a sûr nasa em lein Buolmuol a zîng kan program chu lampui tieng harsatna um thei dinga an hril leiin fe thei ta lovin kan um a

Pastor James L. Thiek khawm Buolmuol a inthawkin Bike ngatin ami hung tawiâwm a lâwm a umin inpâk a um tak zet a nih.

Kohran Ngîrhmun tlângpui: Zîngkar Kohran In hai sir thei zât zât sirna nei a nih. Kohran khawm hmalâkna thar hmu ding tam tak a um niin ka hriet. Thalai le Nuhmei pâwl haiin hma an lâk nasa khawp el a nih ti Biekin sûng siemrêl dân hai a khawm hmu theiin an lang a. Biekin Puonzar hai, Pulpit hai le PA system hai khawm an lo sukthar pei a lawm a um a. Kohran chu an thangpei a nih ti hieng a hai a inthawk khawma hmu thei a nih. Khawtlâng huop khawma Kohran an lo harthar nasa a, thalai pâwl bîk umlovin zântin tawngtai inkhawm tlathum vêl hi an la nei zunzawm thei pei a. Mi 18-30 inkâr thalai tawngtai dingin an fekhawm hlak. Chu laia ̄huoitu chu ei Kohran Thalai Chairman Pu Lallawmum a nih. Ka suong tak zet el, Pathien thu ngawta hohlim tlâng thei le Pathien thu le hla ri an thang vêl hi Kohran dam a ta Khawtlâng khawm dam pei a tih ti hih ka hmu dân a nih. Biel a anga an mawphurna khawm an hlen tha hle in kan hriet.

Tarik 9 & 10 (Inrinni le Pathienni) Nihni sûng hi MUOLHOI a Seminar program hmang a nih. Inrinni dâr 11 a inthawk tânin zântieng dâr 2:30 chen hmang a nih. Hi taka thang chu Standing level a department tin a ̄huoitu hai an ni a mi 18 a bultieng an ni a, a tâwpitieng chu 22 vêl an nih. Hi seminar thupui hai chu; 1. Leadership (Thuoituna le Mawphurna) (EAL) 2. Reformed Faith (EAL) 3. The importance of Youth Ministry in the Church (YCO) an kei thuoi a. Chun, a zing Pathienni in Nuhmei hai puolin WCO inrawina in Nuhmei hai mawphurna thupui hmanga seminar nei a ni bawk a, an phûrlâng in participation khawm a tha. Amiruokchu, transport harsatna leiin beisei ang chu an hung phâk naw chun kan hriet. Pathien ni sün Biekin inkhâwm tìn hin Thalai Standing leh YCO inpawl tlângna hun hmang a ni a. Thalaihai khawm hma an lo lâk thar pei a, Thalai haptâ sûnga thawlâwm hai khawm min chawtitir hman dingin Presbytery Office unit a inthawk an lawi hman vawng chu mak ka ti a, unit ̄huoitu hai inpâk an um tak zet a nih. Thawlâwm le Target khawm Rs. 17722/- lai an min chawtitir thei a nih. Pathienni zingkâr Upa hai leh Kohran member damnaw hai sirna le tawngtai rawngbawlna nei a ni bawk. Inrinni zân le Pathienni zîng le zân hun a mi sieruok pêk vawnga Muolhoi Local ̄huoituhai lawm an um tak zet. Pathien thu hrilna hun chanvo, sem sem dam dam a thawin Inrinni zân WCO, Pathienni zing EAL le Pathienni zân YCO

RAWNGBAWLNA PART- I (Chanchin ̄ha sawnhmanga um)

*By:- Joarthanga Songate
Senvon*

Chanchin ̄ha in i hriet beiseina inthawk sawnhmangin um naw ro. Chu chanchin ̄ha chu vân hnuoia thil siem po po laia tlânginsampui a ni kha, kei tiemu le ziektu hin chu rawngbawltua siem chu ei ni tiin zuk tan ei tih.

Ei Bible a hin chanchintha the dartu dinga a ko khawmuolpui, Rambung, Hnam, Kohran, Khuo le Mimal tamtak hmu ding an um a. Asia Minor kohran Pasarihai laia pakhat Ephesi khawm chu dinga thlang suok a nih. A hmangai hmasa bânin hmangai dang a nei ta lem si a. Chu hmangai chu a bân naw chun Chanchintha khâwnvar siena kha a hmunah inthawk sawnhmang dinga vau lâwkna a pêk a nih. Chu thupêk chu a zâwm nuom naw leiin Ephesi khuo ropui le mawi Isu Krista Pieng hma BC 1000 laia indin ni tah. Tuipui kama um lawng châwlna khawpui, Greekhai Pathien nu ‘Maltinsâwmtu’ Dina temple umna le khawvél thilmak pasarihai lai a tiemsâ hiel umna khawpui chu. Kaister le Maendar hnamhaiin an hung hnawbit pei ta

leiin, tuhin chu khuo hmun hlui tak ngei khawm hmu ding um ta lovin sawnhmang a um in, a bo zo ta a nih. Pathien thupêk pawm lo le zâwm naw tu chung chu a va rapthlâk ngei de maw!. Ei bible a hin changchintha sawnhmang hmu ding a tam naw hle a. Thuthlunghar kohran abîk takin Asia minor kohran 7 hai laia Ephesi kohran cho hi chanchintha sawnhmang ei hmu thei um sun chu a nih.

Hi thu hi Part- 2 ah ei sunzawm dingangai ei ta, tutu tum chu Central Asia chanchintha dawng ta sia hmangai dang le Lal dang an nei leia chanchintha sawnhmang thu ei en ding a nih. Nestorian hai chun Central Asia a sumdâwngna khawpui hrawin AD 635 khan China ram an hung lût a. Chuong hun laia China ram rorêltu chu T’ang Lal chithlahai an

nih. An ram an hawiin arâl muong hle a, hma khawm an sâwn hle a nih. AD 635 hin Missionary hmasa tak Alopen chun China ram a lût ta a, an Lalpa chun a lo lâwm hle a, hun tawite sûng in Kristienah an lût vawng ta a. Kristienah inpe vawng el chau ni ta lovin, Ephesi kohran ang hin chanchintha hrildartu dingin hma an lâk nghâl ta lem a nih.

Missionary Alopen chun a rawngbâwl chanpui hai le China tawngin Bible an inlet a. An khawpui a chun Missionary Alopen chun puithiem 21 hai ta dingin Monastery a bâwl pêk a. Kristien hai po po chu ram biel 10 ah an inthe a, khawpui 100 laia Monastery khawm indin a nih. An rawngbâwlna khawm a hlawting thawkhat hle a ngai a nih. Chu monastaryhai chu hun sawttak hnungin Kristienah center le hmu a hmang a nih. Chu taka inthawk chun Puithiem hai chun China tawngin Kristien lekhabu an inlet hlak a nih. Budhist haiin NASA takin dodal rawp hai sienkhawm kohran chu a fe zing tho a nih.

AD 845 chun Kohran chun harsatna a tuok ta a. China ram rorêltu chu T'ang nita lovin Wu-Tsung chu rorêlna chelin Monastery hia thiék vawng ding

le puithiemhai khawm chum a hranpa a inkhum fâl ta lova mipuihai lai a um dingin thu a pêk ta a. Christien kohran chun nasatakin a siet pha ta a nih. AD 987 khan puithiem pakhat le midang 5 hai chun China ram kohran ngîrhmun en fel dinga an fe lai chun Kristien sôlhnung hrim hrim an hmu zo ta naw a nih.

Kum 1254 khan Pope Nicholas IV thupékin Francision pawla mi John of Monte Carvino chun China khawpui Peking a tlung ta a. Monglol Lal Timur khawm chun a lo lâwm hle a, John chun Lal Timur chu Kristienah siem a tum NASA hle a, nisienlakhawm a hlawsam a nih. Chutaka inthawk chun Pope chun China rama Nestorian nilo tuipui râla kohran indin det an tum ta a. John chun Archbishop ah an siem a, nisienlakhawm John chun vângduoi thlák takin a hung thi that el ta a. Kum 1328 a inthawk chun China rama tuipuirâl kohran missionary chum damte te in a hung tlahnoui el ta a. Kum 1362 ah China hia in Mongolhai kut a inthawk chun ram chum a lâk hawk ta leiin an Bishop hmang lai le a nuhnung tak chum a that el ta a. Kum 1369 a lem khan chum khawthlang tieng kohran Missionary le changchintha thedar

kan tlunga Local thuoutuhai in umni khâmin an mi lo tuok a lâwm an um tak zet, entawn tlâktak an nih. Ui that meuin an mi lo lâwmlût a, Doctor degree hmuthar intlawnpui chum a zâr ei zona tamtak a um. Khawtin deu thawin lâwmpuina thlaithlêng an lo siem pei a. An varin remruot dân an thiem khawp el a nih. Zân inkhawm hmangpui an ni a, YCO in Pathien thuhril rawngbâwlna a nei. Inkhâwm kan tan intak deu leiin kan inkhawm tìn meu chun dar 9 vêl a lo ni ta a, ei MCO rawiin thalai hai Music zân dar 12 chen vêl inchuktirna a neipui bawk. Zingkâr Upa hai le Kohran In po po sirna nei a nih.

Kohran Ngîrhmun tlângpui: Inkhâwm percent khawm sin thaw laia a ni a chum a tha hlein ka hriet. An puitling tâwl khawp el. Kohran Upa le thuoutuhai an nei tha khawp el a nih. Thalai khawm an hrâtin hma an lâk nasa khawp el. A khawsûnga chum Kohran dang dang khawm hmunkhata keikhâwmtu an ni hlak. Ginger project hai dâm neiin hma an lâk hlak. Tuinh Biekin bâwl lai an ni a, an Biekin hmu hi an lailia khawpela hmu thatna lai tak a nih, Ceiling khawm thingphêk ngawtin an siem zo ta a, bâwl zawmna dingin Kohranin Mi Inbâwl contract a lain tuinh bill khawm In pali bâwlna lâk ding an nei. Biekin bâwl zawm tum mêt an nih. An khuo kâr hi a va hla deu leiin kantu Kohran thuoutuhai an ngai thei em em hlak a. Mi lo lâwm khawm an thiem dân ding chum a taka hin ei hmu thei. Kohran mimal khawsakna khawm an tha khawp el, Inchûklai fesuok an tam a, chum, intin hin longterm project an nei deu far bawk. Haflong biel ta ding khawma ban pawimawtak an nih. Thaw suok khawm an hau a, thaw thei khawm an hau khawp el a nih. Amirookchu, hmu dang program a hai an thang tlâwm deu leiin pawi chum a kan ti puia chona pêk an ni bawk. Thuoutuhai thei ding theina nei an um niin ka hriet. Kohran ditum tak an nih. Thalai 2018 inkhâwmpui khawm host an tum thu dawng a ni bawk.

Tarik 8 (Zirtâwpni) zîng bufâk khawp chawhnung tieng Kohran haiin suok an mi phal chum a kan lâwm deu leiin kantu Kohran thuoutuhai an ngai thei em em hlak a. Kohran mipui in mi lo nghâkin thlaithlêng an lo siem bawk a, lawm an um thei a nih. Ei Headmaster kan hmasa in School hai thatakin an fe tloung zing kan hang hmu thei bawk a. Chun, kan tlungna ding inhai mi siem pêkin an mi thak a. Zân Biekinah Pathien chibai bûk inkhawm nei a ni a, Rev. Dr Huolthanglur in Pathien thucha hrilna a nei a, Thalai a inthawk mal zai Pathien inpâkna hlasak pathum lai an um kan zun khâwmna a chum a la burip tak el âwm. Bieltu Pastor

Ei Pathien thuin “Mikhuol lâwm hlak mi ni ro” a ti kha an hmang indik hlein ka hriet. Hi zân hin chu program hran siem a um naw leiin chaw hadam hun in kan hmang.

Tarik 6 (Nilaini) zingkâr inhma takin ei WCO le Missionary Mary Timungpi hai chu Hamren tieng seminar program neipui dingin an suok dawk a. Hi taka Hamren hi Karbi Anglong Mission Field sângum a ni a, ei Pastor Rosanglien le a nuhmei hai enkawl Kohran ɏhatak an ni a. Hi Seminar a hin nupui ngawt 12 an ɏhangsa inhawi an tiin an hlawkpui hle thu dawng a nih. Zân dâr 10 vêlin Diphu damtakin an hung tlung naw a. Hi ni ma hin Thalai le inzawmin Consultation meeting ei FS le Missionary Pali hai leh Mission Field Office ah nei a ni a. Thalai pâwl hi unit a hai lo indin le function mîkin a um ta a. Standing a khaitu tak ding committee a la um naw leiin um ngei sien ei hrâtnawk zuol ringa um thu hril tlâng a ni a. Advisory Board hung ngaituo zawm dinga sie a nih. Nilai zân hin Diphu Local le Karbi Anglong Local Church ah Pathien chibai bûk inkhawm hmangpui an ni a. Team hai hmunhni a inthein Rev Dr. Huolthanglur in Diphu tieng le Rev Jacob L.Hmar Karbi tieng thuhrilna an nei ve ve. A boruok a lo lum ta khawp el a, phaitieng mi an hungin ruo an hung fen hlak an ti angin ruo nasatakin a sûr a boruok chu a sukinnêm deu. Amiruokchu, kan tum angin House visit ruo sûr leiin kan nei thei vawng ta naw leiin pawi kan ti tak zet a nih.

Kohran hai ngîrmun tlângpui: Hamren a hin ei Pastor Quarter hi a sie hle tah nîng a tih, Ruo a hung sûr khan an Kitchen (choka) chu ruo a lût thei vawng a nih. Ei hriet phâk lo thildangah ieng ang rinumna dang am ei missionary hai hin an lo tuok hlak ding ti a min ngaituo tir a, ka um a min sukhawitir thei nawh. Hamren a thil um vângtak pakhat um chu inkhawm bânsan ngailo mitdel papui pakhat a um a, ama chu, Biekin inkhawm ngaiyawimaw em em a, mi hmaa lo fe hlak a nih. Seminar khawm a hmu ve naw a chu a ɏhang tluonsuok zak a nih. Suonlam ding ei nihai hin ei hau thei vei an leh inpâk a um tak zet. Rawngbawlna an fe tluongpei a, ei rawngbâwtuhai an la ɏhalai ang bawkin hmalâkna thar hmu ding a um zing a nih. Inkhâwm percent hi khawlai hmun hmun khawm ei kiem deu deu am a ni aw ti dingin hma ei lâk nasat chu a ɏul niin ka hriet.

Tarik 7 (Ningani) in Diphu a inthawk zîng bufâk khawpin kan suok dawk nawk a **TUOLPUI** khuo hi inhma takin zântieng dâr 2 velin

tuhai po po Peking a inthawk chun an hnawt suok ta vawng a nih. Chuongchun China ramah kum 200 lai lo ni ve ta changchintha hril darna le khawthlang ram kohran sinthawna le missionary sinthawna chu a lo tâwpsan ta in changchintha chu a ta ding chun sawnhmangin a lo um ta a nih.

Tipna: Ieng ti a chanchintha hi sawnghmanga um am a na?

- A hmangai hmasa chu bânsanin, sim dinga vau lâwkna a pawisa naw leiin.
- Lal tha T'ang chu a thi ta a, Lal suol chanchin tha ditnawtu Wu-Tsung a hung in Lal ta leiin.
- Mipuihai chun chanchintha chu an dit hle a, Lal le rorâltuhai chun, chanchintha phurtu Alopen chu an ditnaw leiin.
- Vatican City ah Pope Nicholas thupêk ang peia thaw hlaktu chu John, a hnunga Bishop John hung ni ta chu.
- Mongol Lal Timur le rorâltuhai ngai a chun hmngna ding rem lo, châwm(sponsor) le tirsuok a ni lei chara hmang ang chau an ngai a ni leiin.
- China khawpui Pekingah kum 200 lai chanchintha hril darna, khawthlang ram kohran sinthawna le Missionary sinthawna chu lo tâwpin, sawnhmang alo ni tah.
- Chanchintha phurtu rawngbâwtuhai chun kum 1369 in khawthlang kohran, Missionary le changchintha the dartuhai po po chu China khawpui Peking thlangtieng inthawk chun sawnhmang le hnâwl an lo ni ta leiin Part- I na khâr ei tah, Part-II na ah khâwnvar sawnghmanga umna thu lo tiem nâwk ei ti aw !!.

N/B : Fahra ka ni lai le enkawl ka hun laia mi lo enkawla mi lo chawmlien tu Ka Pu, (L) Ngura khawbung Riengsiete zuangtui Aizawl le a Naupa Upa, H.K. Emmanuel Baptist Church of Mizoram (BCM) zuangtui Aizawl chunga hrietingna le ka lâwmthu hrilna dingin hi article hi kan hlân.

REFORMED PRESBYTERIAN CHURCH NEI TLÂNGRAM PRESBYTERY

First Quarterly Report (Jan. to April, 2018)

Rev. Chawngrosiem, PS

Activity Report

1. NSSU

January 12-14 hun sûng Parbunga Conference nei pui an nih. Hi inkhawmpui a hin mi 364 lai fekhawm a nih.

Presbytery Musical committee le Music Promoter thang ruolin NSSU levela tonic solfa training nei pui a ni a, April thla chena hin Khawtin la zo lo deu a ni a, hma lâkzawm ding a la nih.

2. PWMS

Wco inrawina hnuoiah “Kristien Nuhmei Mawphurna ti thupua hmangin February thla tâwp tieng, Senvawn le Sakawrdai haiah Seminar program nei a ni a, hieng seminar neina hmuna hai hin a tlângpuin an thang thain an hlâwkpui tawl ngei beisei a um.

WMS Standingin inkantuo dan dingin siemin hieng unit inkantuo dinghai hin an ni le an ni remchâng dan inbie remin unit le unit in sukhrâtuona ding le insukhmasawna dingin inkantuo an nei deu zing bawk. Thaw dân rêng anga neiin, thawtanni zân hin unit tinin missionary ta ding bîka tâwngtai inkhawm nei hlak a ni a, unit tinin an nei dân ruok chu an ang nawh, unit thenkhatin Biekinah an hmanga, thenkhat ruok chun In kanna remchânga ngaiin Inah an hmang hlak. Central WMS –a inthawka thusuok angin NEICCW A prayer day 29th April in hmang a ni bawk.

3. Presbytery

- (1) January 18, 2018 (Thursday) hin Presbytery standing committee le a hnuoia department thlangthara umhai charge inhlânnâa nei a ni a, kum liem tahaia thaw dân hlak angin hi ni hin departmental meeting nei nghâl a ni a, kum 2018 a hma lâk tum dân hai inhrltuona nei a nih. Thawktu transfer dinghai inthlana hun hmang a ni bawk.
- (2) Tarik 19th to 21st February sûng, Presbytery ‘n Sipuikawn a plantation thawna dinga hmun a lo inchawk tah, bawzui peiin work camp nei

KARBI ANGLONG LE HAFLONG BIEL FANG TLANGNA REPORT

(5 – 13 June 2018)

Rev. Jacob L. Hmar YCO

Team Member:

1. Rev Dr. Huolthanglur, EAL
2. Mrs Evan, WCO
3. Mr Jehovah L.Hrangle, MCO
4. Mr Lalhawnglien, Driver
5. Rev Jacob L.Hmar, YCO

A hmasa takin fe suoktu hai aiah report pe thei a ka um hi lâwmum ka ti tak zet a. Pathien zâr vawng a nih ti ka hrietin ei Pathien kuoma lawmthu um raw seh.

Hieng anga bielfang tlângna hi a um vâng khawp el a, thaw rawp chi niin kan hriet a nih. A san chu sum hmang khawm a suktlâwm pha a, thiltum hmunkhat neia thawtlângna hi a hlâwk hlein kan hriet. Amiruokchu, Kohran mipui, mi lo beisei tuhai ta ding chun, a vêl a vêl a hmêl inhmau ding kha a suktlâwm pha chun an hriet a. Hieng anga Kohran mipui haiin ei rawngbâwl tu hai Taksa le Thlarau ah ngaina an mi nei hi fesuok tuhai lâwmna tak pakhat chu a nih.

Hi bielfang hi remruot lâwk sa khawm ni chuong lovin, Pathien le ei thuouit Secretary Evangelism rem mi tipuina in program siema um chu sâwt nawte suong khawm nisien inhawi ti tak le hlim tlâng tak a zu nei le hmang zo a nih ti a hmasa ‘n ka hril nuom a. Chu khêlah, biel phurtu Rev Lalnithang Hmar, Field Superintendent i/c (Karbi Anglong) le Rev Lalbiekmawi Thiek, Presbytery Secretary, Haflong Presbytery e Biel Pastor hai, Missionaries le Local a department tum tuma thuouit hai kuomah team hai hmingin in mi lo thlawpna hai chungah khan kan lâwmtak zet a ni ti ka hril hmasa nuom a nih.

Tarik 5 June 2018 (Thawleni) khan Churachandpur kan suok dawk a, Zân dar 8 vêlin Diphu luongtakin kan tlung a. Ei motor hi a lo fe ngun ta hle a chu lampui hi a hrawfu naw châng a um hlak leiin, nuom ang chun kan fe hrât thei naw deu chu a nih. Feltakin kan tlungna ding In hai lo siemrêl sa vawng chu whatsapp ah an mi hung thawn a. Mi lo lâwm dân an thiemin chawngpu takin an min umtir leiin kan lâwm khawp el.

Discipline tina mawphurna in siem in mawphurna nei hai in hnesaw tak in mani thaw ding seng hai thaw in hlim um tak in in el na hai hi nei a ni a mawphurna nei hai lawm an um hle a chun member ̄henkhat in el na a ̄hang lo hai in music leh field bul a hai lo lam in in hawi ti tak in hun hmang a nih.

Games & Spots huoihawt na ding hin sum tamtak a ̄tûl a organizing kuta sum um ̄thak lo a ni leiin in tan na dingin PKTP standing a'thawk Rs. 10000/- lo hang lâk phawt a nia, chu chun bul tan in entry fee, chief guest le chief host hai a'thawk a sum in tling khawm in prize le thil ̄tûl dang dang hai a intodel thei a um in, balance iemanizat standing hai kuta lan hlân nawk thei ding in a um bawk a nih.

Kohran nu le pa ̄huoitu hai mi backup na lei a sports tluong taka hmangzo theia ei um leiin an chunga lâwmthu ei hril a, chun programme a hun hmang dinga ti hai in ngaipawimaw taka programme hai an sukpuiting a, inpâkna hla in hlântu dinga ti hai Nk Nianglunching le Tv Elvis Rochuoilo KTP song stars hai an chunga lâwmthu ei hril bawk a nih.

Hieng ang report pe thei ding a mi ̄huoitu ei Pathien chunghnung tak zâr a ni lei in a hming inpâkin ropui tak raw seh. AMEN....



a nih a, mi 52 fekhawmin nihni sûng ram vâtna nei a ni a, a fehai inhawmthawna lei le ̄thahnem ngaina zârin ram tîn sawm pathum bil vêl ding vâtna a nih.

- (3) Tarik 7th to 12th March, 2018 sûng headquarter tienga inthawk a ̄huoitu Rev. Saithanglur, Rev. Jacob L. Hmar le Tv. Lalsiem sang hai in Tlângram Presbytery sûnga local hieng Tinsuong, Taithu(N), Vaitin, Sakawrdai le Senvawn hai kanna a hung nei.
- (4) Missionary Convention: Tarik 16th to 18th March, 2018 sûng hin Missionary Convention Lungthulien Kawnpuiah nei a ni a, mikhuol 64 lai fekhawm a ni a, kum dang naw angin hi convention hunu missionary rawngbawlna hrâtlem kal chawi thei dâñ lampui ngaituoin rorêlnahai khawm nei a nih. Inhawi tak le thlâkhla tak pumin hi convention hi ̄tumtiek a nih.
- (5) Tarik 9th to 15th April sûng hin Tlangram Presbytery sûng biel pumpui huop nisi, Pastor area dungzuia thein Damdiei, Senvawn le Sipuikawn (hmun thumah) Rev. Huolthanglur, EAL ̄huoina hnuoiah seminar nei a nih. Hi seminar a thupui deuhai: Eldership (Upa nina), ̄huoitu nina le Sunday school teaching hai an nih. Hmun thuma seminar neinaa mi ̄thang zât 84 lai an ni a, a tlângpuiin hi seminara ̄thang hai chun inhawin an ti tlâng, an hlâwkpuí tâwl ngei khawm beisei a um. In hawi an ti a, tha an ti leiin, seminar hi la nei nawk pei an nuom thu hriet a nih.
- (6) Headquarter Evangelism department thusuok angin tarik 26th April, 2018, biela ̄huoitu, upa le inhnikna neihai hrim hrim huomsa nikhat bungheia tawngtâina Prayer mountain, Parbunga nei a ni a, mi 70 lai fekhawm a nih. Hi hun hi thlâkhla tak pumin hmang liem a ni a, nei rawp chi niin hi huna ̄thanghai chun an hril.
- (7) Crusade: “Indinhar” ti thupua hmangin tarik 27th to 29th April, 2018 sûng, Rev. Lalsiemthar, EAL speaker na hnuoiah Crusade, Parbunga hmang a nih. Mipui inhawi an ti tlâng, amiruokchu a hun sung a tawi deu leiin, ditkhawplo taka ̄tumtiek a nih.

Thina:

Presbytery sûng rawngbawlna hieng anga a fe zing lai, vângduoi thlâk takin a biela dinga mi pawimaw, inpezo em em le ̄thahnem ngaitak el Upa L. Duoilo tarik 22nd March, 2018 thina'n a mi lo the tah.

Kristien Thalai Pawl Phairam Presbytery Annual Games & Sports 2018

Lalchunghnung Sungte

Pathien thuoina le thangpui na zâr in 2018 Annual Games & Sports chu Tarik 7th – 9th June sûng khan Saikawt khuoa nei a ni a, chun 6th – 8th June zân dâr 6:30 pm – 9:30 pm hun sûng pei The 3rd Badminton Tournament khawm tluong tak in LJ Memorial Hall, JJ Plaza Rengkai Road a in hawi taka nei a nih.

Standing committee KTP Phairam Presbytery hai in Organizing committee dingin hieng a hnuoia hai hi a hung ruot a.

Chairman	- Pu Judson Vanlalngaklien
Secretary	- Tv Lalchunghnung Sungte
Fin Cum Treasurer-	Tv Paul Lallawmsang
Member	- Pu Richard Lalremruot le Tv Joshua Hmangropui



Organizing committee hai hmalâk na in Games & Sports hi nei a nia, opening le closing ceremony programme hai hmangin Chief Guest le Chief Host hai leh phuisui taka hmang a nih. Games & Sports opening le closing a Chief Guest le Chief Host in ei thuouit hai Rev Lalngailien Puruolte, PS Phairam Presbytery ama in KTP Flag kei kai na a nei a

chu zo a KTP Theme song play a ni a Rev. Saithanglur Joute, Secretary Evangelism ama in Games & Sports khâr na in Flag kei thlâk na a nei bawk, Chief Host hai Rev. Lalsiemthar Joute, Chairman CKTP le Pu Thangbieksang, CCo. Chun 3rd Badminton Tournament a chief Guest hai Pu Moody Lalropui Muolvaiphei le Pu Lalngaklien Khawbung, proprietor Sosom store hai fiel a an um angina kut chawi nei in an mi hung hmangpui na lei khan a thar in lâwmthu ei hril nawk a nih.

Unit sawmpahni (12) hai a'thawlk in sports discipline group le individual hai a in elna nei a nih. Discipline nei hai le lawmman la tu hai chu

1. Badminton	Winner	Runner's up
# Open Single (Pasal)	Pu Lalrobul Fimate	Pu Thangbieksang
# Nuhmei Single	Nk. Easter	Nk. Rebec
# Mixed Double	Langol	Saidan
# Papui Single :	Pu Lalrobul Fimate	Pu Lalngaklien Khawbung
2. Tunnel Ball (nuhmei)	Children's Home	Muolvaiphei
3. Tug Of War (nuhmei)	Rengkai	Thingchawm
4. Tug Of War (pasal)	Rengkai	Saikawt
5. Volley Ball (nuhmei)	Langol	Muolvaiphei
6. Volley Bal (pasal)	Muolvaiphei	Rengkai
7. Pillow Fight (pasal)	Tv Joshua Hmangropui	Pu Ramhmasuon
8. Musical Chair	Nk Lungawikim	Nk Roslyn
9. Foot Ball (Pasal)	Muolvaiphei	Children's Home
10. Over All Champion	Rengkai	Muolvaiphei



To,

.....
.....
.....
.....
.....
.....

Pin



*Kohran Magazine
Subscriber hai po po
Subscription fee hung pe nawk
diet diet dingin ei hung inngen
a nih*

: Editorial Board

Printed at : Blessing Offset, Nehru Marg, Churachandpur, Manipur

If undelivered, please return to :
The Editor Kohran
RPC Office, PO Box - 4
Churachandpur, Manipur-795 128

*Edited & Published by Reformed Presbyterian Church of North East India Synod and Printed at
Blessing Offset, Nehru Marg, Churachandpur, Manipur.
Licence No. ADCC/03-p12/Ofst/25-16*

KOHTRAN

The Monthly Magazine of Reformed Presbyterian Church NEI

Volume - XXXIX No.3 JUNE 2018



INDIA "Nehemālāka" 2:17

Mid Term Council 21-22 June 2018

A SÙNGA THU UMHAI***Editorial :***

From the Editor's desk 01

Kohran chanchin : 3***Sermons :***1. Pathien thua rawngbawl dinga indinthal
Evan Thangminlun Hmar 052. Chanchin tha sawnhmang a um
Joarthang Songate 17***Reports :***

1. Tlangram Presbytery 1st Quarter 10

6. Phairam KTP Games & Sports 12

7. Joint Tour Report 25

Krista Hmangaina 20

Kumkhat lakman: Rs. 100/- (wef. 2012)

Articles/Sermons/Reports etc. thawnna ding:

Email Address: rpc.kohranmagazine@gmail.com**KOHRAN****Editorial Board****Editor:**Rev. Dr V. Lalngakthang
General Secretary, RPCNEI**Managing Editor:**Rev. Saithanglur Joute
Secretary Evangelism, RPCNEI**Jt. Editor:**Rev. Lalkhumvel Joute
Office Superintendent
Gen. Hq. RPCNEI**Type Setting & Design:**Lalsangvel Infimate
Computerist, Gen. Hq. RPCNEI**Business Manager &
Treasurer:**

Ms. Rose Lalhmangai

Cir. Manager:

1. Mr Barjohn
2. Mr. John Nathan

News Editors:

1. All Presbytery Secretaries
2. Youth Co-ordinator
3. Women Co-ordinator
4. Evangelist At Large

2018 No. 591 : Ankhasuo RPC Local chun, hun lo liem ta hnunhai, kohran chanchin tha tak tak Founding Day ni in an ngaithlâk a, vawisûn chena Founding Day hmang theia an um leiin Krista Hmangaina Rs.160/- an pêk.

2018 No. 592 : Patpuihmun NSSU hai chun Mother's Day ropui taka an huoihawt thei leiin Krista Hmangaina Rs.200/- an pêk.

2018 No. 593 : Haflong Presbytery Krista Hmangaina Rs.6154/-

Year Planner ang dungzuiin tarik 25-29 June 2018 sûng hi Headquarter Office Nipui chawl a ni leiin Office khâr a ning a tih.

SUKDIKNA

*Kohran Magazine April & May Issue a cover
sûngtieng panga Reformed Presbyterian
Church NEI Anthem tia ei hung inchuon
kha ei lo hrietthiem tho laiin thaw suol pal a
nia, RPCNEI Anthem nilovin Kristien Thalai
Pawl RPCNEI Anthem ti lem ding a nia,
Unit tin haiin Anthem a ziek ei lo nei theina
awlsam taka ngaia ei hung inchuon a nih.
--Editorial Board*